

## Panis Evangelici Fragmenta Qvadragesimalia Tripartita

Ex sanctissimo Dei Verbo copiosé & sedulo collecta, Sanctorum Patrum,  
variorumque Auctorum sententiis & conceptibus mirificè aucta; Et  
Omnibus Quidem Anni Dominicis; præcipuè tamen singulis Quadragesimæ  
Dominicis & Feriis per binas ad minus, sæpius denas aut septenas  
Conciones fideli Populo ...

**Lingendes, Claude de  
Coloniae Agrippinae, 1689**

CII. I. Quæ est de doloribus Christi in genere, eorum magnitudinem ex  
quinque conjecturis colligit.

---

---

**Nutzungsbedingungen**

[urn:nbn:de:hbz:466:1-56368](https://nbn-resolving.de/urn:nbn:de:hbz:466:1-56368)

eaque cellula esset Dei voluntas, in qua habi-  
bitaret instar apis in alveari, aut sicut Marg-  
ritum, & Vnio in concha marina: ac sciret  
fore ut initio locus ille angustior illi videatur,  
sed postea latissimus ac commodissimus exis-

teret; Sanè ubi Deus est, summa felicitas &  
beatitudo. Beati qui habitant in domo tua,  
Dominus, in sacula seculorum laud-  
abunt te. Amen.

## FERIA SEXTA IN PARASCEVE,

Seu

IN PASSIONE  
CHRISTI DOMINI.  
CONCIO.

De magnitudine eius dolorum.

## I. Pars. De illis in genere, ex quinque conjecturis.

*In mortuum produc lachrymas, &c. & fac luctum secundum meritum eius,*  
*Ecclesiastici, 38.*

**M**Onemur, Auditores, jubemur-  
que non parcere lachrymis pro  
mortuo Salvatore mundi, & effi-  
cere ut luctus noster non minor  
ipsius merito existat. Sed quomodo sat la-  
chrymarum nobis suppeteret, ad defendum  
dignè passionem, martyrium crudele, fu-  
nustumque obitum optimi nostri Do-  
mini & Salvatoris Iesu, cum nec sermonem  
habeamus nec in genitadū comprehenden-  
dam animo explicandamq; gravitatem illius  
cruciatum, & magnitudinem dolorum Ma-  
gna velut mare contritio tua, quis medebitur tui?  
Atque quamvis zelus vester vestraque pietas

oculos vestros confortisset in duos aquæfon-  
tes, nolle tamē, fletuum vestrorum afflu-  
entia, vestrorum singulatum multitudine,  
magnitudinem Christi mei dolorum menti,  
nec meam de illius Passione cogitationem ter-  
minare uno lachrymarum vestrum testi-  
monio, quæ si existant solæ, ei potius injuri-  
am inferre quam satisfacere possunt. Flam-  
methicus Ægypti Rex ut memorat Herodotus lib. 3. suæ historiæ captus fuit bello à  
Cambysè, qui eum ut exulceraret auimo, de-  
tinuit in suburbio Mempheos quam prælio  
expugnaverat. Illius filiam famulari ueste in-  
dutam inter cæteras capitiyas misit haustum  
aquam

Vix abscesserat filia cum illius oculis obiecta est catenata turba captivorum, quibus præcendæ mox erant cervices, è duobus Ägyptiorum nobiliū millibus confata, in iisq; ipsius maior natu filius: nihil aliud mutationis præseculit in vultu nisi quod ad filii aspectū oculos placidè humili defixit Paulò post animadverrit unum è familiaribus suis, qui exutus fortunis omnibus stipem petebat: tum verò caput lugere, vociferari, pectus percutere, atque ut ait Historicus, sibi caput contundere. Tota hæc agendi ratio cū denunciata Cambyses fuisse ab iis qui militer principis actiones omnesque nutus observabant, eum interrogari iussit, cur nam flevisset potius inspecta amici quam filij sui & filiæ suæ tantam sibi visam fuisse, ab filii filiæque aspectu, ut le ipfis facturum esse injuriam putarit, si exprimeret sensum suum lachrymis, utpote que levissimis de causis sœpè funduntur; dolorem verò ex adversa amici sui fortuna suscepimus sibi visum fuisse dignum lachrymis, nempe priori illo longè minorē. Quod quidem responsum, laudé ipsi ab omnibus meritique libertatem obtinuit. Id porrò argumentum mihi suppeditat, quo probem vobis suadeamque me in hac Salvatoris mei dolorum propositione, oculos vestros exigere ad intuendum potius quod agitur, quam ad lugendum. Exigui quique tantum dolores exhalantur oculis; & qui flere satis potest, is consolatione non indiget; magnam enim doloris partem imminuit: id ēque non legimus in Evangelio, flevisse B. Virginem in Passione Filij, licet eius dolor, tantus extitit, ut indecirco fuerit Regina Martyrum: quod non esset merita, nisi passa maxime omnium fuisset; atque, ut ait S. Augustinus, stabat autem juxta Crucem longè, sed flentem non lego. Si porrò non defuerunt ei lachrymæ, scriptum magis dolorem ipsius commendat, dicens illum astitisse ad mortem filii, quam si de ipsius lachrymis sermonem nobis Scriptura fecisset.

Tom. III.

Non quod velim Christiani, vestras inhibere, sed ut tantummodo vobis dicam, vestrorum potius animorum præsentiam, cordisque vestri proposita quam oculorum lachrymas, pectorisq; singultus à me requiri: ut autem id quod specto consequar, flagitemus auxiliū è celo, & sanctam Crucē adoremus. O CRUX

AVE, &amp;c.

**N**ulum dicendi argumentum est ac genus, cui eloquentia plus faciat injurię minusve officij præster, quam sermoni de Passione Salvatoris: & quāvis, ut aiebat Antonius, vis unus ex Imperiū Romani disertissimis, eloquentię munus sit ex parvis magna facere; ubi tamē ab argumento ingenio & lingua, cogitatio & verba superantur, ibi Eloquentia proditionē in se ipsa & prævaricationem molitur, suū argumentum comaculat, eiusq; elevat magnitudinem, quod amplificare deberet. Inde oritur ferè Auditorū querela quod nimis sermo de Passione Domini raro admodū bene succedit, nemdq; propè sit qui relīcione debeat spei nostræ, & expectationem nostram impletat. Nec enim verò aliter præterquam oculis in hoc dicendi genere loquendū esset: oportet pupilam officio linguæ defungi, & lachrymas, locū sermonis tenere. Quod si Auditores, vestra etiam cogitatio, sensaq; vestra omnia sunt infra tam sublimē argumentum, ne miremini si verba mea non respondent expectationi vestræ, multoque etiam minus rei adeò difficilis majestati ac merito. Quæ quidem causa me in eam spem inducit, ut confidam vos facile imbecillitatē meam excusaturos esse, neq; rā sermonis mei rationē habitos, quā rei de qua loquor amplitudinis: obsecrando vos ut quid semper adiiciatis sermoni meo, vestraq; cogitatione ac sensu vestro id quod dicere non potuero, suppleatis.

Neque verò mihi consilium est, ut profundum oceanum Salvatoris Christi dolorū explorem, de quibus ait Propheta, Magna est velut mare contritio tua, quis medebitur iuri? at tantum

modo ut vobis proferā coniecturas aliquor, unde suspicari possitis nonnihil de magnitudine dolorum & cruciateum quos Filius Dei in passione sua sustinuit.

Incipio ab antiquis sacrificiis, quæ secundum Apostolum S. Paulum in Epist. ad Rom. figura cruenti sacrificii mortisque Salvatoris fuere. Res est cogitatu mirabilis, attendere animum ad cædem continuam, immanemq; lanenam quæ singulis ferè diebus in templo Salomonis edebatur; ad copiam sanguinis qui effundi illic solebat: Inde accedit, ut apud Prophetas, quum Deus urbì cuiquam ingenitem aliquam stragem minatur dicat, le sacrificium ex illa facturum, perinde ac si homines esset victimæ, ac ij qui Ministri supplicii huius à Deo adhibendi sunt, forent Sacædoles Sacrificatoresque: Isaiae 34. Victimæ Domini in Bosra, intercelio magna in terra Aquilonis. Sophonie 1. Iuxta eis dies Domini, quia preparavit Dominus hostiam, sacrificavit vocatos suos: Et Isaiae, cap. 29. Vnde Ariel ciuitas quam expugnabit David: de Hierusalem loquitur quam vocat Ariel hoc est Leonem Dei, ob fortitudinem, & munimenta: circum vallabo Ariel & erit tristis, & moerens, & erit mihi quasi Ariel, id est, Altare: en figura, ex cap. 43. Ezechielis: quia sicut altare innatæ sanguini Victimarum, ita Deus Ierusalem sanguine impiorum replebit: & sicut circa altare jacent jugulata pecudes, & circa Leonem prostrata cadavera; ita etiam circa Ierusalem jacebunt Hebreorum corpora interficta à Chaldaëis, quos in Sacerdotes huius clavis initibit. Cæterum licet nulla dies immunis fuerit à sangvine in Templo effuso, nihil omnis tamen aliquid uberiorius fluxit illud super omnem consuetudinem, quod scribitur 3 Reg. c. 8. Salomonem in Templi dedicatione macavisse hostias pacificas boum viginti duo millia, & oviū centū viginti millia: cogita enim quata hinc extiterit copia sanguinis. Hæc autem omnia præfigurabant Christum. Ne igitur res figura est dissimilis sua figuræ, oportuit Christum ita tractatum fuisse, ut ubiq; sanguinem suum fuderit. Et quidem quantum in horto, quantum in domo Caiphæ, tum in Pictorio Pilati, intoto itinere, dum crucem ferret, in monte Calvariae, in Cruce?

Quid dicam de tractatione, & laniena hostiarum? Nā ut dicitur in c. Levit 1. Imolabatur victimæ, eiusq; sanguis tumebatur, & effundebatur per altaris circuitum: deinde pellis detrahatur tum Sace: dotes artus hostia in frusta concidebant: tum subiiciebant in altari ignem, strue lignorum ante composita, & membra quæ erant cæsa desuper ordinabant, & cuncta adolebant in odore suavitatis, Domino Deo: In quibus verbis nescio quid expressius continetur, an tota ceremonia immolationis, an series Passionis. Vide enim effusionem Sanguinis, pellis concessionem, & excoriationem in flagellatione: artuum luxationem & quasi divisionem in extentione super Crucem; incisionem ignis in gravi dolore: & ordinationem cælorum membrorum in Cruce ut in altari per confixionem. Certè ipse Christus cuncta adolevit in odorem suavitatis; oblatus enim est quia ipse voluit.

Hac pertinet iesus Agni Paschalisi, qui fuit primum Hebreorum sacrificium, qui que, excepto quod ossa eius frangere lex vetabat, cù festinatione edebatur, prius igne tostus: qui manducatio significavit Christi tractationem, qui fuit agni typici veritas; ut pote qui quasi Agnus coram tendente se obmutuit, & quasi ovis deductus est ad occisionem. Quod autem Agnus dicitur comestus cum festinatione, id significavit quod de Christo dixit Isaías c. 53. De Angustia & de iudicio subatus est: quia uti exponit Porcius, damnatus est à turba, que multitudine, studio, & festinatione se compitiuebat, dum omnes clamarent Tolle, & sublatus est de iudicio, id est ab ipsi qui in illi sententiâ capituli rulebunt, nempe Pontificiū concilio, qui sic judicarunt, dignus est morie, & à Plato, qui eum morte condonavat.

H. Cor.

II. Coniectura petitur ex qualitate, & furor hostiū suorū, quibus omnino permisus est; juxta illud: *Hæc est hora vestra, & potestas tenebrarum.* Vbi enim Christus semel se permitit eorum, ibidini & crudelitati, ea omnia passus est, que hostiū furor, immanitas, atq; licentia voluerunt. At vide hostium ipsius qualitatem, & immanitatem in Agnum mansuetissimum.

I. Iudæorum; de quibus ita loquitur Psal. 21. *Circumdederunt me vituli multi, tauri pinguis obseverunt me aperuerunt super me os suum;* Scilicet à Iudæis variè afflictus est: plebs enim circu-fusa ruit non aliter quam lascivi vituli: divites autem & fortiores eum obfederunt, & circu-dederunt ut tauri, atq; illum cornibus impetrare, & pedibus obrivere. *Aperuerunt super me os suum;* id est nullum fecere si iam opprimendi me clamoribus, minis, falsis testimoniosis, & calamiosis criminacionibus; donec me reū mortis reddidissent: immo aperū semper os in me habuerunt, hianti rictu in me vocantes.

II. Pilati: De quo sic queritur; *Quasi Leo sic contrivit omnia ossa mea;* id est ad eō misericorditer in me se gefisit, ut fuerit instar Leonis, qui se sanguine meo expleverit, cū me reliquit inimicis in prædam: Luc. 2. Tunc tradidit Iesum voluntati eorum. Et Ioan 17. Tradidit eū illum ut crucifigeretur. Nanquid, sicut rapiens, & rugiens?

III. Herodis: cuius intuitu sic ad Patrem; Psal. 1. *Salva me ex ore Leonis & à cornibus unicorniū humiliatē meū;* Nec enim evasi cornū & arrogantiā, cum me fastu intolerabili deprefserit, ad terrā affixit & pedibus proculcarit; immo & eius exercitus idem de me cum ipso sentiens; ita ut ab eo, tanquam ab unicornium gregē fuetim circumdatuſ atque impetratus.

IV. Miltum furiosorum: de quibus sic ait eodē Psal. 71. *Circumdederunt me canes multi, concilium malignantium obſedit me comparans eos à quibus neci traditus est,* cū turba canum, apte-

ad Psalmi titulum, qui est *pro Cerva matutina:* quasi diceret Cohortes illæ ad supplicium meum affixæ, nō destiterunt me persequi à summo mane, scilicet canes qui primo diluculo Cervam eduxerunt è latibulo, quām id circa possumus appellare matutinam. Fingite igitur vobis animo turbam canum cervā allatrantium, quam matutino tempore toto persecuti sunt: deficitur viribus; graviter & ægre anhelet; jam mutat corporis incessum; jam titubat, & labente vestigio ad terrā collidit ossa; de in totū corpus, ac lese penitus dedit. Tum canes voce mutata inclamare, ac personare mortem animantis videntur, ut simul omnes coeant, circumcingunt eam vicissim, irruunt, proterunt primò pedibus, dein incident dentibus, alijs una alii alia parte, nihil repugnante ipsa neque ad extreum spiritum luctante. Crudi eam despoltant dentibus, cutem deripiunt cum exuviis, & maxillares uncos altissimè in ferinam insigunt: nullus venatorum esca prædatitæ moderator est, neque aliquam tantum partem canibus ad ius cuique legitimū distribuit; penes ipsos est tota præda lux potestas, in quam ardentī ingluvie incumbunt, miserum distrahunt animal, discerpunt, ac penè vivum spiransque devorant. Ab hac quam vobis subiecti cogitatione, Auditores, discedite, atque oculos conicitate in tragicum & dignum miseratione spectaculum. Aspicite Salvatorem mundi proiussus similem cervæ, quam longe venationis cursus exercuit: *pro cerva matutina.* Iudas eam deflexit à cursu, atque in illam immisi: rabiōsorum & escae inhantium canum copiam, qui à primo mane insestantes concitato cursu ipsam defatigant, & afflictavere ad interitum. Attendite quomodo in illo eodem Psal-mo loquitur: *Sicut aqua effusus sum, & dispersa sunt omnia ossa mea:* An non ex sunt pro-lapsiones ipsius & titubationes? Factum est eorū meū tanquam cera liquecens in

medio ventris mei: Ecce æstū & ignem qui eam intus aduicit vehementi cursu accensam; unde oritur anhelandi labor & præcordiorū agitatio: aruit tanquam testa virtus mea & lingua mea adhæsit fauicibus meis, & in pulvrem mortis deduxisti me: ardor urens, extrema fritis, linguam ipsi ad palatum affixit; ideo vites eam deficiunt, neque amplius aufugere potest, & ita abjicit se in terram, deditque ijs qui perlequantur. Quoniam circumdederunt me canes multi concilium malignantium obsecdit me: foderunt manus meas & pedes meos: dinumeraverunt omnia ossa mea: Circumcinxere me ac tanquam rabiosi canes concursarunt; ipsi dentes infixerent manus foderunt pedesque, totu[m]o discerpserent corpus, sic ut ossa dinumerarent: quod quidem in Cruce ab illis peractum est, nihil relinquentibus integrum, nisi quod non potuerunt comedere: Exhauserunt sanguinem meum; dilaceraverunt autem, & in frusta carnem disciderunt: ipsum transfixere pectus, ut investigarent cor meum, teste ferro lanceæ, ipsumque cor bipartito divisum est: sicut & caput perfoderunt usque ad cerebrum, spinis acutissimis transfixum, sanguine ex corporis mei partibus omnibus expresso.

III. Conjectura petitur ex figura. Nam exemplum attendite argumento nostro perdignum, in uno Orientali Principe, sæculorum omnium miraculo, & ob patientiam magis quam ob dignitatem conditionis illustrati. Nemo est qui intelligat meloqui de Iob, ad quem afflictandum, crucianumque Diabolus extremum nequitæ tuæ specimen edidit. Certe in eo figuram Christi exitisse S. Gregorius testatur his verbis: Necesse fuit ut B. Iob eum quem voce diceret, ex conversatione signaret, & per ea quæ pertulit, quæ passurus esset ostenderet, tantoque verius, ejus Passionis Sacramenta prædicaret, quanto hæc non loquendo tantummodo, sed patiendo Prophetavit. Et alibi. Iob (ait) Passiones Re-

demptoris nostri, eiusque corporis, & Passione sua signavit, & nomine: Iob quippe interpretatur Dolens: & quis alius in Iob Dolens figuratur, nisi si de quo scriptum est, Verelanguores nostros ipse tulit, & dolores nostros ipse portavit. Sanè quidem nihil crebrius in ore multorum versatur, quam hoc exemplum: Sed ausim dicere, insignis illius viri laudibus, eiusque patientiæ commendationi, iniuriam fieri, quia exploratè necit magnitudo animi qua perperitus est. Id in primis planè observandum est, ipsius dolorum morborumque cerramen proximè secutum fuisse bonorum omnium jacturam, ut sine intermissione percutitus identidem sic obstupescieret, ut respirandiloscum, sequè ipsum recognoscendi otium non haberet. Ut igitur multis placet, eo ipso die quo filii parentavit, Dæmonium multiplici morbo affecit, corrupta tota eius temperie, eumque internis doloribus læsir, per quos lecto affixus est: vocati medici, exhibita remedia; sed exiguo successu: cumque uni dolores consedissent, alii graviores insurgebant, quibus deiectus fortius feriretur.

2. Ex morbis internis ad externos progressus, cum maximis, & dissimilis, atque acutissimis coepit vexare; ita tamen, ut non omnibus initio simul aggrederetur, sed unis primum, deinde aliis, uti eius constantiam atque animi robur desiceret. Ita planè se in nunciis gesset: Et sic ultimus morbus, priore semper erat gravior: Deinde voluit in morbotum curatione reliquam exhausti substantiam, partim in Medicorū, & remediorū impensis; partim domesticorū furtis, uxoris incuria, & cognatorum compilationibus: uti ferè sit cum res omnes sunt conclamatæ, donec tandem omnia absumpta sunt, ac fundi, ac domus, & omnis supplex distraeta: quo in negotio sex anni longa probatione, & prolixo tædio consumpti sunt, in summis corporis animique tormentis. Initio septimi, cum finis malorum, & reque

& requies Sabbathi sperari debuisset, quasi rem de novo aggressus Dæmon, eum omni morborum quasi agmine adorsus omnia eius corporis membra interna, & externa implacabilibus cruciatibus tortit, iisdem membris luxatis, nervis contusis, ossibus fluentibus, tota temperie corrupta: *Egressus itaque Satan à sa ie Domini* (cogita illi factam esse omnem potestatem.) *Percusit lob ulcere pessimo à planta pedu*, usque ad verticem ejus, qui testa sedens in sterquilino: Quibus verbis deplorabilis ejus status describitur quem & ipse exprimit cap. 16. Ego ille quondam opulentus repente contritus sum, tenuit cervicem meam, confregit me, & posuit me sibi quasi in signum.

1. Itaque habuit morbos acutos, & qui vulgo paucis diebus in mortem impellunt: scilicet pleuritidem, febres, anginam, & similes innumeros. 1. Morbos quos appellant diuturnos, tabem, marcorem, renum dolorem, hydropsim, & similes. 3. Malignos, & exitiales obvenenum. 4. Non solum imagine magnos, ut appellant Medici, quale est ulcus, magna corporis parte diffusum, sed re ipsa, & effectu gravissimos, scilicet nervorum & musculorum contusionem. 5. Symptomata gravissimorum morborum, & pessima industria, convulsiones, & circa viscera dolores fortes: In somnis timores: In facie, dissimilitudinem prioris vultus, nigorem, oculos errantes, respirandi difficultatem, & similia. 6. Ulcera toto corpore diffusa, sed fœda, & horribilia non illa quidem extima tantum, & in pelle, sed carnem, & solidas partes corruptentia. Et quidem dessimi ulceris nomine, varia intelligere possumus, qualis est ea exulceratio ad ossa pepalens, quam Phagedænam appellat Galenus, vel Chironiam, vel Telephiam, eaque omnia quæ sunt contumacia, rebellia, diurna, quæ à lepra oriuntur, à morbo Gallico, & à similibus, in quibus magna putredo. 7. Morbos habuit contrarios: verbi gratiâ, eius caro exusta est ignis ita carnem adurit, ut nigrum efficiat,

ut nec ex eâ nascantur vermes, sed natos potius exurat, atque extinguat: eius tamen corpus totum ebulliebat vermis, unde sic queritur cap. 30. *Noëte os meum perforatur doloribus*, & qui me comedunt non dormiunt. Vnde S. Chrysost. Enibi Vermium fontes, tabifici humoris rivuli. 8. Totum corpus unicum ulcus seu vulnus effectum est, & quod mirabile, & de quo ipse conqueritur, concisum est vulnere super vulnus Nam si plura mala in eadem parte possint contingere ex sola medicorum culpa ut docet Hippocrates; in lobo plura contigerunt ex diaboli malitia. 9. Tandem cum iam odor esset gravissimus, nec posset ferri aut visu, propter fœditatem, aut auditu proptet querelas, aut naibus, propter odoris gravitatē, ne omnia incredibili fœtore compleret, ac ne ipse etiā suo tetro odore interiret, ex domo sua in phe- retro educitur extra urbem, & in sterquilinū proiicitur, ubi annum integrū diu, ac noctu, omni cœpitate anni, atq; in aëris inclemencia mansit. Qui testa sanie radebat sedens in sterquilino: Vide miseriā hominis Neq; manibus, neq; unguibus uti poterat: digiti enim tumidi, unguis aut dilapsi, aut incurvi, aut fissi: sed ut loquitur S. Chrysost. luto, inanimi, animatum lutum radebat, quo etiam remedio lumen exulcerabat: verū hāc arte parumper pruriginē levabat, ac scaturientes vermes excutiebat. Quale spectaculū! lob tantus Princeps inter suos, olim ita locuples, & honoratus, inter Orientales Regulos omnium maximus; nunc bonis omnibus spoliatus, nudus omnibus vestimentis, ab omnibus derelictus, derisus, & contemptus, triginta morbis diversissimis & atrocissimis afflatus, in summis doloribus, in omnibus membris, interius, atq; exterius vexatus, mutatus specie, atque vultu, extra urbem, sub dio, iacet in sterquilinio, ipse sua fede sordidior, atque visu fœdior & odore tetricior, tū sua putredine, tū ipso sterquilinio, quod ipse auger quotidie, atq; innovat, sanie

perpetuò de fluente: nihil habens, nescio dicā, sanum, aut reliquū incorpore, præter linguā, ut Deo maledicat: & in bonis nihil habēs præter te stam, qua radat san ē quā cūm detrives-  
rit illo miserabili officio, cogitur deinde ean-  
dem laniem siccate aperio pulvere sterquilini-  
ni; unde cap. 7. si loquitur, induita est caro mea  
putredine, & sordibus pulveris cutis mea aruit, &  
contra dā est. Denique, nulla alia re melius gra-  
vitatem calamitatis lobī extimū posse docet  
Chrysost. quām si authōr attendatur. Etenim  
(inquit) ad plagæ magnitudinem declarandā  
satis sit authōrem, qui illam inflixit, ejusque  
efficiēnatam libidinē perspexisse. Id est, cogita  
Dæmonis crudelitatē, & odium, & superbiā,  
qui tanti viri patiētia vinci non vult, cum quo  
tamen certamen suscepit, facta ipsi potestate  
nocendi, & a quo graviter dolet le in priori  
conflictu curpiter fuisse devictū. Sed hæc satis  
sint de figura; ad rei veritatem veniamus, hoc  
est ad Christum.

Animos itaq; vestros colligite, Auditores,  
& attendite ad spectaculū tristius, crudelius,  
immāius miserabiliusq; illo quod mox oculis  
vestris subieci. Deus aliquid potestatis cōces-  
serat Satanæ adversus lobū; sed non absolotā  
potestatem: eodem enim tempore resti inxit  
ejus malitiā, & crudelitatem definij: Dicit  
ergo Dominus ad Satā, ecce in māu tua est, veru-  
tamen animā illius serva lobus ipse ad describen-  
dam dolorum suorum magnitudinem nihil  
amplius dicere potest, postquam eos nomi-  
navit dolores mortis, quo tamen eos perdu-  
cendi facultatem inimicus non habuit. Data  
est autem plena & integra potestas Satanæ in  
benignissimum Salvatorem nostrum & Do-  
minum; in eius corpus & vitam: Hac est hora  
vestra & potestas tenebrarum. Ipsius proinde at-  
tendite rabiem, & quo pæcto potestate illa sit  
abutus. Ceteramen minimè exiguum est, quod  
ad unius duntaxat hominis lapiū pertineat,  
pusilliique alicuius Dæmonis probrum, cui  
hominis unius patienti dedecus inussit. Hic e-

nimvero agitur de regno Diaboli, totiusque  
inferni conflitu cum Filio Dei, in eiusq; per-  
sonā ob ipsius victorij prædam, de universi-  
orbis salute ac liberatione; secundum hec  
verba: Nunc Iudicium est mundi, nunc Princeps  
hujus mundi ejusetur foras. Ideo nullo aduersus  
ipsum furore abstinuit, sed in eum iedegit statu-  
m, ut cūm Isaías in illum adjecit mentis  
oculos, minimè agnoverit, ita deformatus e-  
rat, horribilisque aspectu. Videts quomodo  
loquitur c. 52. Prophetiæ suæ: Ei vidimus eum,  
& non erat affectus. Dixeat prius: Non est fuius  
ei neque decor: Vide quæ mutatio; ut qui fuerat  
speciosus inter filios hominum, sit rāmen sit  
male tractatus, ut non tantum eius de cor ob-  
literatus fuerit, sed etiam omnis eius species  
immutata, unde vidimus eum, & non erat affectus?  
& desideravimus eum: Ex phasi Hebreæ  
repetenda est particula negatiya, nec quasi di-  
cat, nec desideravimus eum, id est, neque talē vi-  
dimus ut affectus eius esset desiderabilis:  
nam quis splendor, & quis nitor esse poterat  
in facie liventi colaphis & sanguine, atque pul-  
vere foedata? quæ dignitas in genis, evulsa  
barba? quæ majestas in ore diratum manuum  
notato vestigis? Pergit Propheta, Dispectum,  
& novissimum, virorum, virum dolorum,  
& scientem infirmatatem: Hic repetenda vox  
vidimus: vide quo fuerit Christus redactus, &  
omnium postrenus videretur: Vnde dicitur:  
apud Psalmistam, Opprobrium hominum, &  
abjectio plebis: sequamur Isaiam. Et quasi abscondi-  
tu vultus eius, & dispectus, unde nec reputavimus  
eum: Quasi diceret eō usque deductum fuisse  
ut Christum ipsum sui ipsius pudore deberet,  
ex communi hominum sensu, unde non mirum  
si etiā homines puderet & ab eo suos o-  
culos averterent. Id illi contigit Ioan. 19. cūm  
eum Pilatus ostendisset populo, dicens, Ecce  
Rex vester: illi enim eum magna indignatione  
aversati sunt, clamante, Tolle, tolle crucifige eum.  
Deinde: verè languores nostros ipse tulit, & dolores  
nostros ipse portavit quod non tantum de pecca-  
tis

re debuit; etiam illi non amplius essent nisi nostris intelligendū est, pro quibus Christus satisfecit, sed quia de facto in suo corpore nostras infirmitates perculit, non quidem singulas, sed quicquid in illis acerbū est cum tanta passus sit, ut æquat omnes corporis morbos & cruciatus, quod agnovit Sanctus Hilarius in Cantica relatus à S. Thoma in locum Matthæi, ubi hic Isaïæ locus refertur: Passione corporis sui, secundum Prophetarum dicta, infinitatis humanæ imbecillitatem absorbut. Et nos putavimus eum quasi leprosum, & percussum à D. o, & humiliatum: Vide misérabilē Christi statum, nempe talē ut nemo sit qui non facile judiceret vindictam fuisse divinam; cum dicatur percussus à Deo in hac durissima tristatione: ac ne quis putaret, ob sua delicta sic fuisse multatum, subdit Propheta: Ipse autem vulneratus est propter iniquitates nostras, attritus est propter sceleris nostra: quasi diceret à leprâ nostrâ leprosus fuit, à nobis ille secundum illam labem contraxit, quia nostra ille peccata causam tanti doloris, tanti cruciatus materiam attulerunt. Disciplina pacis nostra supererū: Pro pace vox Hebreæ significat retributionem, quasi diceret supplicium, quod nos retribuere, ac rependere debuimus pro peccatis nostris: seu quō reconciliati sumus cum Deo, super eum Deus imposuit: hoc est, quicquid pœnatum Deus à nobis exigere debuit pro peccatis nostris, id ab innocentie Filio Pater exegit: & livore eius sanati sumus livore, posuit pro ipso vulnera, quia livor vulneris vestigium est. Verum iste sermo trahit nos ad aliam coniecturam.

IV. Igitur ea est quæ petitur ex fine passionis: Debuit enim Christus sua passionis impletere redemptoris mensuram, quia vadem se fecerat, & sponsorem, hoc est, debuit æquante tormentorum ad quæ damnandi eramus & multitudinem & gravitatem. Cum enim

peccato duplex imponatur multa, pœna damni, & pœna sensus, ac dolor internus pertineat ad cenam damni; nam damnum sentiti debet ex apprehensione jacturæ, & consequenter ex dolore, & animi cruciatu consequente; pœna sensus pertinet ad dolorem externum: cum itaque passio Christi debuerit satisfacere ex omni parte, oportuit ut esset dolor externus, & qui exæquaret magnitudinem pœnarum, quæ subiunctæ fuissent hominibus ad suorum peccatorum satisfactionem. At certum est ad unius peccati satisfactionem, ingentem pœnam desiderari: quanta igitur opus fuit ad omnium sæculorum peccata exolvenda? Cogita quot sint in legibus intentata responsa: Cogita quā graves pro suis sceleribus, multi pœnitentias in se suscepserint: Vnus carcer Climaci, quantas continuit? Hinc aestimā quantū pœnā lucte ille debuerit, qui pro omnibus satisfacere voluit. Quidam longius progredivntur, ac docent ferre debuisse omnibus damnatis debita supplicia, non secundum speciem, sed secundum gravitatem æqualitatis: quod tamen non est probabile: Quia Inferorum pœnæ proficiuntur etiam ab agente supernaturaliter vecto; Christi vero dolores vim agentiū naturalium non superarunt: Illud tamen certum est, Christum pro omnium hominum peccatis satisfactionem obtulisse, immo etiam pro peccatis damnatorum: non quidē ut id damnatis prodesset, quasi iis qui nondum essent damnati, sed quia id præstiterit quod erat debitum justitiae Divinæ, ratione gratię, & favoris, illis olim in vita prærogati. Etenim Deus intuitu satisfactionis Christi, & meritorū eius futurorū dispelsatoriè hominibus prioribus, gratiam suam, & remissionem peccatorum obtulit, ita ut perillos steterit, si non sint salvati: Vnde Christus postea hunc fanorem, & gratiam præstatam, sua satisfactione, veluti solutione compensa-

capaces in posterum ullius gratiæ aut boni. Quicquid sit, certè hinc sufficienter colligi potest magnitudo pœnaru[m] Christi, cum saltem in se admiserit pœnam temporaliter debitam omnibus omnium hominum peccatis: unde dixit Isaïas cap. 53. Posuit Dominus in eo iniquitatem omnium nostrum: Ipse autem vulneratus est propter iniquitates nostras: attritus est propter scelera nostra: Disciplina pacis nostra super eum, & livore eius sanati sumus.

V. Conjectura petitur ex universalitate passionis:

In primis enim passus est in omni bonorum genere.

I. In fama, & nominis existimatione, per calumnias & accusationem, quod illi exprobavit Pilatus Marci 14. Vide in quantis te accusant? Quæ autem illo fuerint exprimit Lucas cap. 23. Cœperunt autem illum accusare dicens: Hunc invenimus subvertentem gentem nostram, & prohibentem tributa dare Casari, & dicentem se Christum Regem esse: & cum eum duxissent ad Herodem, subdit Evangelista Stabant autem Principes Sacerdotum, & Scribae constanter accusantes eum: Accusatus est crimen laicæ Maiestatis Divinæ in primo capite, ut qui voluisse arrogare sibi usurpatione temeraria, & Divinitatem, quasi naturalis Filius Dei, & Regnum Iudæorum, se gerendo pro Messia, & subtrahendo populos ab obedientia Cæsari præstanta. Certè habitus est fulgò ab nationis suæ principibus, pro impostore, Impio Blasphemo, Dæmoniaco, Ambitioso, & pro reo execrabilis apud Deum & homines, ed usque ut à proximis sibi sanguine abdicatus fuerit, secundum hæc Davidis verba, Psalm. 87. Posuerunt me abominationem sibi: quod in eius maius dedecus recidit, quo à pluribus ut Sanctus, & Propheta putabatur & quo plura de derat sue Divinitatis testimonia.

II. In honore, qui quidem incredibile est quod modis laesus fuerit. Sed de his nunc plura dicere super sedeo, reservans ad eam partem, ubi de confusionibus Christi agitur.

III. Quod pertinet ad bona externa: Cum in illis nil haberet præter vestes, illis spoliatus est in cruce, & nudus mortuus est in summa paupertate. Itaque milites inter se vestimenta ejus partiti sunt, & super eius vestem miserunt sortem: Id autem fecerunt ut ipse sciret sibi adeptam esse omnem spem vitæ, itaque amplius non indigere vestimentis. Et sic in illo illud Iohi impletum est cap. 1. Nudus egredens sum de utero Matris mea, & nudus revertar illuc. Certè Christus toto vitæ tempore coluit paupertatem, sed eam, uti & ceteras virtutes, in passione ad summum perduxit.

IV. Quoad amicos atque, & domesticos, ab omnibus est derelictus: Matth. 26. Tunc Discipuli omnes, relicto eo fugerunt: & impletum quod illis prædixerat: Omnes vos scandalum patiemini in me hac nocte: Itaque sic conqueritur in Psalmo. 33. Qui juxta me erant, de longe sternerunt: Ac de Petro, qui summam fidelitatem pollicitus fuerat illud intelligo Psal. 87. Longe fecisti nos meos à me, posuerunt me abominationem sibi: Elongasti à me amicum & proximum, & nos meos à miseria. Et quidem Christus hanc omnium derelictionem voluit pati, ut sciremus socium non habuisse in passione: Itaque sic loquitur Isaïæ 6 3. Torcular calcavi solu, & de gentibus non est vir tecum.

V. Quid dicam de eius pulchritudine, quæ sic vexata fuit, ut de eo dicat Isaïas quod jam protulimus cap. 53. Non est species ei, neque decor, & vidimus eum, & non erat aspectus, quia nulla hominis figura, &c. quibus verbis nihil expressius dicit potuit quo significaretur mirabilis status passionis.

VI. Quid addam quomodo totum eius corpus habitum fuerit? Ipse autem vulneratus est propter iniquitates nostras, attritus est propter scelera nostra, disciplina pacis nostra super eum: & livore eius sanati sumus. Notanda sunt verba, vulneratus, attritus, disciplina seu castigatio, & livor: Et postea. Propter scelus populū mei percussi sum, & Dominus voluit conterere

*um in infirmitate. Numerus syllabas, percussio: contritio, & infirmitas: Sane quis unquam peius traetatus fuit, in quo nulla pars corporis non fuit laesa?*

*Quod vitam attinet? eam inter supplicia finivit unde Isaías cap. 53. Oblatus est, quia ipse voluit, & non aperiet os suum: sicut ovis ad occisionem ducetur & quasi agnus coram tendente se obmutescat, & non aperiet os suum: quibus verbis significatur immolatio Hostiæ; quâ ratione Christus oblatus est. Porro in Hòstia immolatione illud observabatur, neque cluctans immolaretur, & aufugeret ab aris: neque mugitu, aut clamore se invitam ostenderet: ideoque hæc duo dicit de Christo, & voluntatem passum esse; Oblatus est quia ipse voluit, & nullum clamorem edidisse: Et non aperiet os suum, Pergit. De angustia, & de iudicio sublatu[m] est: Modus mortis ipsius significatur: nam licet esset innocens, & culpa vacaret, per seditionem tamen Judæorum, & Pilati vocem damnatus est: seditionem vocat angustiam, hoc est turbam, quæ multitudine, studio atque festinatione se comprimebat: Per iudicium intelligit eos qui in illum sententiam capitum tulerunt, nempe Pontifices, & Pilatum. Eodem pertinet versio 70. Interpr. In humilitate sublatu[m] est iudicium ejus. 1. Per humilitatem significatur condemnationis Christi iniq[ue]itas. Cum enim sicut agnus coram tendente se, non aperiet os suum, neque difficilem se aut repugnantem præberet impiorum studiis; ex illa tanta demissione, atque silencio animos sumpserunt, ut & manus iniicerent non repugnanti, & iudicium omnium perverterent: ut iudex iniquus viduarum & pupillorum iudicia prodit, quia non repugnant. Ita igitur ejus causa iniquissimè prodita est, quia patetur, non comminabitur; & sublatum est iudicium ejus, id est contra ius & fas, damnatus est, & inimicorum potestati traditus, eo quod adversariorum injuriæ, & calumniis non re-*

Tom. III.

stitit, nec magis locutus est ad sui defensionem, quam agnus coram tonsore ligatus, & mutus. Porro in voce sublatu[m], genus mortis agnosco, nempe Crucis quo sensu dixit: *Et ego sexaltatus fuero à terra, omnia traham ad me ipsum. Hoc autem dicebat, ait Evangelista, significans qua morte esset moriturus. Ex quibus omnibus patet universalitas passionis, quod in omni bonorum genere passus sit. Idque gravissime.*

2. Hoc etiam ad eandem universalitatem spectat; quod ab omni personatum genere passus sit: non tantum quia pro omnibus satifecit, sed quia de facto omnis ferè conditionis homines ad eius passionem concurrunt. Itaque passus est à Regibus, & summis Magistratibus, ab Herode & à Pilato; à summis Sacerdotibus & Pontificibus Anna, & Caipha; ab aliis Sacerdotibus, à Scribis & legi Doctoribus, & Pharisæis; à plebe; à milites; à Dominis & à Ministris 4. Quare frequenterunt gentes, & populi meditati sunt inania? Astiterunt Reges terra, & Principes convenerunt in unum adversus Dominum, & adversus Christum eius. Convenerunt enim verè in civitate ista adversus sanctum puerum tuum Iesum quem unxisti, Herodes, & Pontius Pilatus cum gentibus, & populis Israël facere qua manus tua & consilium tuum decreverunt fieri. Item passus est à suis, & ab alienis: nam ab illis & traditus est & venditus, & denegatus & desertus: ab istis aut irrisus, aut percussus, aut male habitus. Item ab amicis, & ab inimicis. Item à Judæis, & à Gentilibus. Item à Patre, à Matre, à Scipo: Nam Pater dixit ut ait Isaías. *Propter scelus populi mei percusi eum, & Ipse de Patre conquerens est, Deus, Deus meus, ut quid dereliquisti me?* Mater autem sua præsentia Filiū afflixit. Ipse verò sibi ipse nocuit; verbo; silencio; atiens tia: *Quin & ipsi nocuit optima complexio, scientia, virtus;* Item passus est à pœnæ sociis, à spectatoribus, à transiuntibus, ab iis qui

M m

fave-

favebant: ut intelligas ad eius supplicium omnes aliquid contulisse: hoc enim fuit generalissimum sacrificium.

3. Passus est in omnibus sensibus, in omnibus membris, in omnibus potentissimis, internis & externis: à planta pedis usque ad verticem non est in eo sanitas. Quid non passus in oculis, videns & quae parabant, & quae faciebant inimici? Quid non in auribus, audiens calumnias, irrisiones, dicticia, accusationes, blasphemias? Quid non in gusto, uti sitim, & potum tellis & acetis? Dederunt in escam meam fel, & in siti mea potaverunt me aceto. Quid non in manibus ab odoribus foedis? in tactu autem, dum totum corpus laceratum est, & afflitum? In partibus maximè sensibilibus, in nervis, venis, arteriis: in capite, in facie, in temporibus, in pedibus & manibus: sunt plaga ista in medio manuum tuarum? Et dicet: his plagatus sum in domo eorum qui diligebant me. Quid non passus in utroque appetitu, in phantalia, in intellectu? Ego vir videns paupertatem meam in virginis indignationis eius. Porro omnia passionum genera in se suscepit, ut, sicut ait Caietanus, omnes passiones deificaret, & hominibus expertandas redderet. Item ut doceret hominem omnia contemnere, & nihil eorum malorum timere, quae ab hominibus inferri possunt: uti dixerat Matth. 10. Et nolite timere eos qui occidunt corpus, animam autem non possunt occidere: uno verbo dixit S. Damasc. libro. 3. de Fide cap. 20. omnia hæc assumpsit, ut sanctitatem omnibus afferret.

Ex his paucis conjecturis augurari potuimus partem aliquam passionis Christi, quæ proposita, his te Ecclesiastici verbis compello, cap. 29. Gratiam fidejussoris ne obliviscaris: dedit enim pro te animam suam: In quibus verbis tria tibi proponuntur.

1. Christi innocentia; ut scias ipsum omnia ista passum esse immeritum; Certè si rei

etiam nocentissimi, dum sunt in gravibus suppliciis, solent nobis misericordiam commovere; quanto magis, si aliquis innocens fuerit, & gravissima patiatur, in nobis sensum illum ingenerabit? Sed si aliquis magno honore dignus, sed si summo, nonne sensus crescere debet in nobis? itaque cogita innocentem, cogita justum, cogita Christum, cogita Deum: quousque tuus sensus progredi debebit, nempe usque ad summum, sed nec hoc satis, usque ad perfectum; nam quis noster sensus tantus esse potest qui non deficiat, & rei magnitudini sit satis? Consideravi opera tua, aiebat Propheta, & expavi: Verum Dei opera extra Deum sunt; sed si tu consideres Christi tormenta & passionem, vides quae sunt in eo, & quid inde sequi potest, nisi stupor, & extasis.

2. Proponitur, hæc omnia Christum licet immerenter, tamè tuâ causa passum esse, itaque te ista omnia esse commerium, igitur te fuisse causam passionis ejus igitur tuo loco fuisse passum: & ad hoc non debito, non merito tuo, non beneficio tuo fuisse adactum, sed solo amore tui: Vnde expresse vocat gratiam fidejussoris, ut intelligas non obligatione id fecisse, sed voluntate & gratia.

3. Proponitur, quousque produxerit gratiam, & finem huius sponsionis: dedit enim pro te animam suam, quod non fecit ut alii sponsores, periclitando solum, sed ipsa experientia, ipse enim vitam suam dedit, & amavit, ut scias & beneficium, & suum amorem perduxisse ad summum: nam ut ipse docuerat Ioan. 15. Majorem hac dilectionem nemo habet, ut animam suam ponat quis pro amicis suis.

Iam vide quid à te petatur. Nimirum ut non oblidiscaris gratiam fidejussoris: Putas ad id satisfeceris, si tantum patiaris, pro illo, quantum pro te passus es, si tantum illum dilexeris, quantum dilectus es?

Sed

Sed 1. quid haec tenus passus es?

Quid pro illo pati decrevisti?

3. Quid pati potes?

4. Sed si patereris, quanti sunt aut esse posse possunt tuae passiones, si eum illis passione conferantur? Confer personas, & de utroque judica?

Iam quid de tuo amore loquar, qui sic amatus & à tanto, tamen & tantulus, & tam parum diligas?

Sed si nec amore certare potes; hoc saltem effice, ut non obliviscaris gratiam fidejussori; ut saltem astimes quantum meretur, & quanta est; ut mente & cogitatione, si non semper, at frequentissime, revolas; ut scias te semper obligatum remanere. Sanè si creditor debitum exigit à fidejussore, jam primus & verus debitor, quod creditori debebat, idem debet fidejussori, & præter verus debitum, novi beneficij reus erga illum factus est. Hinc vide quid Christo debebas fidejussori tuo; & id quod præcipuo creditori, hoc est iustitiae

Divinæ, & id quod ipsi ut fidejussori solventi ob novum beneficium debetur.

Sed ut pergit Sapiens loc. cit. Eccli. 29.

*Repromissorem fugit peccator & immundus;* Vide quomodo vocet ingratum, & immemorem: peccatorem vocat & immundum, quia odibilis est, & quem omnes fugere debeant: Causam autem huius peccati: sic denotat *Bona re promisso ri sibi ascribi peccator, & ingratus sensu derelinquet liberantem se:* Quia nimis non cogitat, omnia gratuito sibi praestita, nec ea respicit ut aliena bona, & ingratus sensu hoc est animo, cum non revolvat mente beneficia sibi praestita, derelinquet liberantem se. Tu vide quid rependas Liberatori tuo, illi expone cogitationes tuas, & gratias ipsi actis pro redemptione, cogita serio quid illi rependere decernas: Quid illius causa facere: Quid aggredi velis; & omnia animi tui sensa deprome, ac memineris te semper ingratum futurum, ac minus semper te facturum quam debebas.

## II. PARS. S E V

# ALIA CONCIO.

De doloribus internis Christi.

Eorum causæ & effectus.

*Attendite, & videte, si est dolor, sicut dolor meus.* Lamentat 1.

**N**on ignoratis, Auditores, occasione & causam quæ nos hic congregavit. Sanctissima consuetudo Ecclesiæ, omnis hic apparatus lugubris, numerosus hic conventus, modestia ma-

jor quam pro more, vultus, oculi; vestri qui notas doloris corde vestro concepti impressas præferunt, luculentum satis testimonium præbent inusitatæ casus, lugubris que omnium, qui unquam, extiterint

M m z funer-